

Guangjshih Minzcuz Bau

ganhhau: CN45-0036 B.2018 Nd.7 Ng.18 liggaeuq fouhswt nienz ndwenroek coroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3333期

Liujcouh Si Minzcunghvej Aen Cwngzsi Iq Veihsin “Riengz Gou Hag Gangj Vah Minzcuz Vunznoix” Hwnjsienq Sawqyungh 柳州市民宗委“跟我学讲少数民族语言”微信小程序上线试运行

Mboengqneix, aen cwngzsi iq veihsin “riengz gou hag gangj vah minzcuz vunznoix” Liujcouh Si Minzcunghvej haifat haenx hwnjsienq sawqyungh. Lanzmoeg vahyaem “riengz gou hag gangj vah minzcuz vunznoix” yungh Sawgun lied ok 500 aen swz ciengz yungh caeuq 100 coenz vah, faenbied doiqwnq gij fatyaem Vahbujdungh Vahgun、Vahcuengh dei-fueng Liujgyangh、Vahdung Sanhgyangh、Vahmyauz Yungzsuij. “Riengz gou hag gangj vah minzcuz vunznoix”

faen youq gwnz muengx minzcunghvej lanzmoeg vahyaem、APP soujgih gwzhudonh、aen cwngzsi iq veihsin mbouj yungh cang sam cungj vunqsik doengzseiz yungh, vih vunzlai ndawbiengz youq sienq hag yungh vah minzcuz vunznoix daezhawj fug-saeh.

Aen cwngzsi iq veihsin “riengz gou hag gangj vah minzcuz vunznoix” hwnjsienq sawqyungh, ginggvaq gunghcozginz caeuq gienbaengzyoux cienjfat, ndaej haujlai vunz haenh.

Haujlai lingjdauj ganbu foenfoen dawz haeuj sim caeuq sawqyungh, youq minzcungh minzyij hidungj aen si neix yinxhwnj raq heiq hoengh hagsib he. Seizneix aen cwngzsi neix lij dwg duenh sawqyungh, lingjdauj minzcunghvej aen si neix iugouz bouxguenjieix aen cwngzsi haeujsim soucomz gij yigen dijbauj muengxyoux, guh ndei hong geizlaeng coihgaij gaijndei caeuq senhconz doigvangq yungh.

(Lij Yinciz Cinz Conhvaz)



Sanhgyangh: Maklozhan Iqet Laisou Coi Vut Gungz

三江:小小罗汉果 增收促脱贫

Ndwen 7 ngoenz 13, vunzmbanj Sanhgyangh Duncuz Swciyen Fuzluz Yangh Cinzyaz Cunh cingq hohleix maklozhan ranz bonjfaenh. Youq mwh guh hong vut gungz gungeng, ranzgungzhoj Fuzluz Yangh Cinzyaz Cunh yungh hawciengz guh dazyinx, doenggvaq cwngfuj siujngeg diepsik daigvanj, haenqrengz hwnghat dajndaem maklozhan, dajndaem mienhcik ca mbouj geijlai 1000 moux, gujsuenq ndaej hawj nungzhoh laisou moix moux 4000 maenz. Ndaw doz dwg vunzmbanj cingq hohleix maklozhan.

(Gunj Yicungh/滚亿忠)

Sanglinz Yen Sizmwanz Siujyoz Banh Cuengh Gun Song Vah Doeg Saw Doxdax 上林县石门小学举行壮汉双语朗诵比赛

Vih fatyienqz gij vwnzva conzdungj maenhndei Cunghvaz minzcuz, gungganq caeuq hengzguh sevei cujyi hwzsinh gyacizgvanh, mboengqneix, Sanglinz Yen Dangzhungz Yangh Sizmwanz Siujyoz banh aen hozdung doxdax yungh song vah doeg saw “sim lwgnyez coh dangj caeuq gyaiez caemh byaij” hengzguh sevei cujyi hwzsinh gyacizgvanh, daengx hagdangz 6 aen ban 170 lai boux hagseng camgya

doxdax.

Baez hozdung neix yungh ban guh danvih, faenbied yungh Vahbujdungh caeuq Vahcuengh doeg gij damzraih ciuq sevei cujyi hwzsinh gyacizgvanh gaijbien haenx, gyoengq hagseng cingsaenz gvaekgvaek, yiedcingz dangqmaz, youq gwnz daiz gagsaenq daihfueg biujyienj. Cingzgamj fung-fouq gangjok gij gyaiez doiq guekcoj, doiq guekgya, caemhcai q laebceiq

yungh gij hengzdoengh saedsaeh bonjfaenh, daj henz ndang guh hwnj, daj saeh iq guh hwnj, caennang bae hengzguh sevei cujyi hwzsinh gyacizgvanh. Doenggvaq doxdax, miz-yauq daezsang gij naengzlig gangj vah gyoengq hagseng iq, gikfat gij cingz-gamj ngeixnaemj hagseng gyaiez guekcoj、gyaez mbanjranz、gyaez minzcuz.

(Lij Dauyungj Fanz Dunghmuz)

SIUSIK DINJ

简讯

● Ndwen 7 ngoenz 10, Lingzyinz Yen youq Cauzlij Yauzcuz Yangh hainduj aen hozdung cunghci bingzanh gense vwnzyi comzyienj haeuj mbanj. Doenggvaq diuqfoux、go、vaiqbanj、ciengj dap faplwd cihsiz miz ciengj daengj vwnzyi cezmuiz vunzlai haengi gyaiez haenx, dawz cwnghfaz、cunghci bingzanh gensez、fuengzre sezgyau daengj neiyungz cienz daengz cien ranz fanh ranz.

(Loz Hihhaij)

● Ndwen 7 ngoenz 10, Laizbingh Si Fulenz cujiz bouxgagnyienh gak hangz ndawbiengz bae daengz Siengcouh Yen Bwzcang Cunhvej、Damanj Cunhvej haiguh fuengz doek raemx senhconz hozdung, hawj gyoengq lwgnyez youq mwh guh angq hag rox gij cihsiz fuengz doek raemx caeuq banhfap gaggouq.

(Cinz Fuyenz)

● Geij bi neix daeuj, Denhngoz Yen hopheux gij moegbiu dajcauh “aen yienh nungzyez daegsaek”, son-yinx vunzmbanj mbanj-gungzhoj ndaem mak, biek hai hawciengz hoengh, caemhcai q yungh den-sangh gya'gvangq hawciengz, daiqlingx boux-guhnaz gungzhoj buek youh buek byaij hwnj “diuzroen civaiz vut gungz”. Daengz seizneix, daengx yienh ndaem mak “sanh dwz” 18 fanh moux, ndawde mak-maenj 12.3 fanh moux, makdauzyouz 1.8 fanh moux.

(Vangz Mingzfuz)

● Geij bi neix daeuj, Denzlinz Yen Bwzloz Yangh ciuq dieg bae hwnghat, dungyenz vunzlai Bwzloz Cunh、Banjgan Cunh、Bazdung Cunh daengj cunh hwnghat ciengx cwz. Daengz bineix ndwen 6 daej, aen yangh neix miz cwz 5000 lai duz, soqliengh cwz baiz youq daengx yienh baihnaj.

(Vangz Gveiyangh)